



SLUŽBENE NOVINE

KANTONA SARAJEVO

Godina XXIX - Broj 39

Četvrtak, 3. 10. 2024. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 24. stav (5) Konvencije Ujedinjenih naroda o pravima osoba sa invaliditetom i Opcionalnog protokola ("Službeni glasnik BiH" - Međunarodni ugovori, broj 11/09) i člana 4. Zakona o Zavodu za specijalno obrazovanje i odgoj djece Mjedenica ("Službeni list RBiH", broj 36/94), Vlada Kantona Sarajevo, na 42. sjednici održanoj 26.09.2024. godine, donijela je

UREDBU

O REALIZACIJI DNEVNE/RADNO-OKUPACIONE RADIONICE I PRUŽANJA PODRŠKE OSOBAMA SA INVALIDITETOM

Član 1.

(Predmet)

Ovom Uredbom uređuje se postupak i način pružanja podrške za 28 odraslih osoba s invaliditetom, koji su u periodu od mjeseca septembra 2023. godine do augusta 2024. godine, koristili stručne tretmane dnevne/radno-okupacione radionice za specijalno obrazovanje u Javnoj ustanovi Zavod za specijalno obrazovanje i odgoj djece "Mjedenica" (u daljnjem tekstu: Zavod).

Član 2.

(Postupak i način realizacije radno okupacione radionice)

- U cilju realizacije pružanja podrške za rad dnevne/radno-okupacione radionice, dozvoljava se da Zavod za 28 odraslih osoba sa invaliditetom iz člana 1. ove Uredbe, nastavi pružati usluge dnevne/radno - okupacione radionice od dana stupanja na snagu ove Uredbe do 31.12.2025. godine. Dnevne/radno-okupacione radionice održavati će se u vakufskoj nekretnini na adresi Bakarevića, Vakuf Henda Ahmedaga, upisana u zemljišne knjige Mahala CII, k.č. 63, kuća i zgrada, površine 264 m², a koji je u prethodnom periodu koristio Zavod, u skladu sa saglasnošću Islamske zajednice u Bosni i Hercegovini.

- Sredstva za rad dnevne/radno-okupacione radionice osiguravaju se iz budžeta Ministarstva za odgoj i obrazovanje Kantona Sarajevo.

Član 3.

(Izvjешtavanje)

Kvartalni izvještaj o radu dnevne /radno-okupacione radionice Zavod dostavlja, putem Ministarstva za odgoj i obrazovanje Kantona Sarajevo, Vladi Kantona Sarajevo na razmatranje.

Član 4.

(Obaveze Ministarstva za rad, socijalnu politiku, raseljena lica i izbjeglice Kantona Sarajevo)

U cilju osiguranja pristupa osobama sa invaliditetom svim društvenim sadržajima, zadužuje se:

Ministarstvo za rad, socijalnu politiku, raseljena lica i izbjeglice Kantona Sarajevo, priprema i koordinira aktivnosti na izmjeni zakonskih i podzakonskih propisa koji će osigurati adekvatnu uključenost u društvu osoba sa invaliditetom i donijeti podzakonske akte koji uređuju radno - okupacione terapije odraslih osoba sa invaliditetom kao i kojima će se ukazati na važnost pristupa fizičkom, ekonomskom, socijalnom i kulturnom okruženju, zdravstvenoj zaštiti i obrazovanju, informacijama i komunikacijama i uspostaviti sistem socijalne zaštite i uključenosti kako bi se potpuno omogućilo da uživaju u ljudskim pravima i osnovnim slobodama. Navedene aktivnosti Ministarstvo za rad, socijalnu politiku, raseljena lica i izbjeglice Kantona Sarajevo, dužno je uskladiti najkasnije do decembra 2025. godine.

Član 5.

(Stupanje na snagu)

Ova Uredba stupa na snagu narednog dana od dana objave u "Službenim novinama Kantona Sarajevo".

Broj 02-04-44436-6/24
26. septembra 2024. godine
Sarajevo

Po ovlaštenju premijera
Ministar
Zlatko Mijatović, s. r.